



14. februar 2019

UPA 2019/156

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Mititut pisassiissutit eqqornerusut tunngavissisussamik miteqassutit aalajangernissaanut Pinngortitaleriffiup 2020-mi annertusisamik kisitsinissaa pillugu Naalackersuisut peqquneqarnissaannut Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluk Heilmann, Atassut)

Tunngavilersuut:

Piniartut biologillu akkerliittuaannarnerat minnerpaaffissamiitinniarlugu iliuuseqartariaqarpugut. Soqutigisavut anguniakkavullu tunngaviatigut assigiipput mitit aamma mitit siorakitsut nungusaataangitsumik tunngaveqarluni pisassiissutit aalajangertarnissaat isumaqatigiissutigineqartariapoq. Pinngortitaleriffiup siunnersuisarnerata tutsuviginassusaa pillugu innuttaasunit piniartunillu apeqquuserneqartarsimavoq. Naalackersuisullu Pinngortitaleriffiup siunnersuineranit allaasumik pisassiigaangata ima paasineqarsinnaasapoq kisitsinerit siunnersuinerillu tatigineqanngitsutut.

Pinngortitaleriffiup nittartagaani¹ paasissutissiissutigineqarpoq mitit nalinginnaasut Nunatta Kitaata imartaani ukiisartut amerlassusaat 1999-imi 500.000-inut tagginneqarsimasut, kiisalu mitit 150.000-it Newfoundlandimi Quebeqimilu ukiisartut. Tunup avannaani mitit Islandip imartaata eqqaanut ukiiartorlutik Nunatsinnit nuttarput. Tasiilalli eqqaani ukiisartut timmiaqatigiinnit taakkunaneersuunissaat ilimanarpoq. Aammattaaq timmissat piaqqiortut Tunup kujataaneersut Kitaata kujataani ukiisarnissaat pisinnaavoq.

Taamaammat mitit taakku marluk pillugit sukumiinerisumik annerusumillu misissuiffiginissaat kissaatigaarput, tassami taakku sumiiffimmit sumiiffinnut nuttartuusarmata. Nuttarfii annertuneruppata naatsorsuutigaarput mitit tunngavissaqarluarnerusumik eqqornerusumik uppersakkamillu tunngaveqarnerusumik pisassiissuteqarfigineqarsinnaasut.

Pisortanut allaffissornikkut aningaasaqarnikkullu kingunerisassat

Mititik kisitsinermut tunngasunik aningaasartuutit Pinngortitaleriffik kisitsisaateqarnngilaq. Misissuinerit ataasiakkaat avataanit aningaasaliinernit tunngaveqartarput taamaammat oqaatigiuminaappoq mititik kisitsisoqassagaluarpat qanoq aningaasaqarnikkut kinguneqassanersoq eqqoqqissaartumik oqaatigiuminaalluni.

¹ <http://www.natur.gl/pattedyr-og-fugle/fugle/almindelig-edderfugl/>



Taamaamat kisitsineq annertusineqaraluarpat kisitsisinik aalajangiinissaq ajornakusoorpoq - tassami aningaasanut inatsimmi taamaallaat appat, taateraata ilaatinneqarmata, kiisalu ilaatigut mitit kisinneqassangaata.

Naalakkersusut § 37-imut nr. 53-imut erseqqissumik akissuteqanngimmata aningaasartuutit qanoq annertutiginnissaat pillugu, kiisalu umimmannut tuttunullu kisitsinerni aningaasartuutit 150.000 kr. aamma 650.000 kr.-nit kisiisa akissuteqaammi innersuussutigineqarlutik taggipparput mitinik kisitsineq 500.000 kr.-nit missaannik akeqassasoq.

Namminersortunut allaffissornikkut aningaasaqarnikkullu kingunerisassat

Soqanngilaq

Inuiaqatigiinnut allaffissornikkut aningaasaqarnikkullu kingunerisassat

Soqanngilaq.